

DE
SERVITVTIBVS

MELETEMATVM

DECAS

QVAM

LOCO INAVGVRALIS DISSERTATIONIS
RECTORE MAGNIFICENTISSIMO
SERENISSIMO ET POTENTISSIMO
PRINCIPE AC DOMINO

DOMINO

GEORGIO II.

MAGNAE BRITANNIAE FRANCIAE ATQVE
HIBERNIAE REGE, DEFENSORE FIDEI
BRVNSVICENSIVM AC LVNEBURGENSIVM DV-
CE S. R. I. ELECTORE PRINCIPE ET
ARCHITHESA VRARIO

IN ACADEMIA GEORGIA AVGVSTA

AVCTORITATE
ILLVSTRIS FACVLTATIS IVRIDICAE
PRAESIDE

D. IO. FRIEDERICO WAHLIO

POTENTISSIMI MAGNAE BRITANNIAE REGIS A
CONSILIIIS AVLICIS ORDINIS IVRIDICI PRAE-
SIDE ORDINARIO ET ANTECESSORE
PRO GRADV

IN VTROQVE IVRE
DOCTORIS
RITE CAPESSENDO

ANNO MDCCCLXVIII. DIE XXIX. IVLII

ERVDITORVM EXAMINI SVBICIT

AVCTOR ET RESPONDENS

IOANNES HENRICVS GEORGIVS MORRIEN
CELLENSIS.

1781 1782 1783 1784 1785

1786 1787 1788 1789 1790

1791 1792 1793 1794 1795

1796 1797 1798 1799 1800

1801 1802 1803 1804 1805

1806 1807 1808 1809 1810

1811 1812 1813 1814 1815

1816 1817 1818 1819 1820

1821 1822 1823 1824 1825

1826 1827 1828 1829 1830

1831 1832 1833 1834 1835

1836 1837 1838 1839 1840

1841 1842 1843 1844 1845

1846 1847 1848 1849 1850

1851 1852 1853 1854 1855

1856 1857 1858 1859 1860

1861 1862 1863 1864 1865

1866 1867 1868 1869 1870

1871 1872 1873 1874 1875

1876 1877 1878 1879 1880

1881 1882 1883 1884 1885

1886 1887 1888 1889 1890

1891 1892 1893 1894 1895

1896 1897 1898 1899 1900

4
AVGVSTISSIMI ET POTENTISSIMI
MAGNAE BRITANNIAE REGIS
ELECTOR. DVC. BRVNSVIGO LVNEBVRGICI

STATVS ADMINISTRO
ET CONSILIARIO INTIMO
ILLVSTRISSIMO ATQVE EXCELLENTISSIMO

D O M I N O
GERLACO ADOLPHO
L.B.DE MVNCHHAVSEN

DYNASTAE IN STRAVSFVRTH RELIQA
PRAEFECTO ADVOCATIARVM CELLENSIVM SVPREMO
ET GEORGIAE AVGVSTAE
CVRATORI MVNIFICENTISSIMO



NEC NON
ILLVSTRISSIMO ATQVE EXCELSISSIMO
DOMINO
PHILIPPO ADOLPHO
L.B. DE MVNCHHAVSEN

DYNASTAE IN STEINBERG
AVGVSTISSIMI ET POTENTISSIMI
MAGNAE BRITANNIAE REGIS
ET PRINCIPIS ELECTORIS BRVNSVIGO-
LVNEBVRGICI
IN SANCTIORI CONSILIO
STATVS ADMINISTRO


MAECENATIBVS AC LITERARVM
STATORIBVS SVMMIS
DOMINIS SVIS GRATIOSISSIMIS
CVM ARDENTISSIMIS,
PRO TANTORVM HEROVM TOGATORVM PERPETVA
INCOLVMITATE
VOTIS
HOCCE QVALECVNQVE INAVGVRALE SPECIMEN
DEDICAT ET CONSECRAT
SEQVE DEMISSA MENTE COMMENDAT

CLIENS SVBIECTISSIMVS
IO. HENRIC. GEORG. MORRIEN.
CELLENSIS.



Q. D. B. V.

PRAEFAMEN.

 *Antiquus, isque optimus, in omnibus bonarum artium mercaturis, mos esse solet, ut ad dignitates academicas qui tendunt, specimen quoddam publico eruditorum examini submittant; Et ego, pro ratione virium mearum, quum voti mei composui factus, ex decreto Illustris Facultatis Iuridicae, nonnulla meiletemata, servitutis argumentum attingentia, in chartas conieci, quum exiguum temporis spatium, ex quo radiis Regiae Maestatis nostra Academia quam clementissime illustrabitur, dissertationis formalis compaginem, prout alias fieri solet, in lucem edere vetat.*



Æqui bonique igitur consulas benevole lector, quod, citra voluntatem meam a tramite consueto devius, sequentes cogitationes, typis exscriptas, tuo submittam iudicio.

Melet. I.


Seruitus in genere, secundum determinationes a iure civili romano factas, definiri a plerisque solet: Ius in re aliena constitutum, quo dominus in re sua aliquid pati, vel non facere tenetur, in alterius personae reiue vtilitatem: Quoniam autem haec definitio praedia tantum dominantia non etiam servientia complectitur, forte rectius servitus in genere definitur: Qualitas rei inhaerens, propter quam intra legitimum modum pati cogitur rem habens in ea fieri, vel ipse non facere, quod hominum vel praediorum intersit.

- 1.) Conceptus servitutis non omni iure idem, sed amplior omnino secundum ius naturale & patrium est, quam in iure civili romano determinatur. Vnde patet ratio, cur naturali & patrio iure, quo conventiones de servitutibus imponendis, perinde ut reliquae, ex pactis legem accipiunt, possit ius sub servitutis nomine constitui & adquiri, quod romano iure servitus esse negatur. Romani enim, qualitates praedii sub nomine servitutis imponendas legibus suis sic determinaverunt, ut iis servitutes imposituros praecise obtemperare voluerint. Quamobrem nulla alia conventio de servitute constituenda, nulla etiam ultimae voluntatis dispositio valida fuit, nisi intra modum legitimum i. e. intra fines servitutis posita

posita esset, licet naturali & patrio iure nihil impedimento sit, quo minus ius quodcunque, vtilitatem commoditatemque qualemcunque ex vicino praedio capiendi, seruitutis notione comprehendatur.

2.) Ex notione *qualitatis*, & quia romani, auctore CELSO in *L. Quid aliud 86. D. de V. S. & L. Qui fundum. 12. D. Quemadm. seruitut. amitt.* seruitutes nihil aliud esse voluerunt, quam praedia *qualiter* se habentia, vt bonitas, salubritas, amplitudo, fluit, quod, sicut qualitas sine subiecto esse nequit, ita seruitus praedialis sine praedio constitui non possit. *L. 1. §. 1. D. commun. praed.* Quod igitur LABEO *L. 10. D. de S. P. R.* ait, etiam nondum aedificato aedificio seruitutem imponi posse, non de perfecta seruitute, verum sic intelligi debet, quod valeat conuentio de seruitute praedio adhuc futuro imponenda.

3.) Res aliena opponitur rei propriae, cum autem res eadem propria & aliena esse nequeat in eodem subiecto, ex eo recte cogitur, iure romano, quo seruire idem significat, atque extra vsum ordinarium & naturalem commodum adferre, non esse seruitutem in re propria. Quemadmodum igitur PAVLVS in *L. recte 25. D. de V. S.* vsumfructum non dominii partem, sed seruitutis esse ait, ita recte quoque VLPIANVS *L. uti frui 5. D. si vsufr. pet. uti frui sibi esse, dominium intendere posse negat.* Quia vero idem ille PAVLVS in *L. vsufructus 4. D. de vsufr.* vsumfructum in multis casibus partem dominii esse dixit, male haec res habuit interpretes nostros, quorum bene multi, non de vsufructu pado, qui seruitus est, sed de eo, qui proprietati cohaeret, partem dominii esse, Paulum dixisse arbitrantur, illumque vulgus interpretum *formalem*, hunc vero *causalem* adpellat, quia dominus causam i. e. dominium plenum habet, cuius partem facit vsufructus, etenim secundum



dum naturam id est, ut res propria cuique domino suo commodet; at enim vero, quoniam PAVLVS de usufructu nudo siue formali loqui videtur, haec distinctio Dd. fallaciam oppositorum tollere non videtur, potius igitur dicendum, usufructum etiam nudum in multis casibus partem dominii esse, ratione scil. effectus & virtutis suae, quod ad euolumenta, in quibus se dominium exerit.

- 4.) Quoniam seruitus sit qualitas, propter quam pati cogitur rem habens vel non facere, ex hac determinatione sequitur, seruitutes, quamuis iure germanico id fieri possit, quippe quo huiusmodi determinatio deficit, non tamen romano iure, ex regula in faciendo consistere.
- 5.) Si quis aliquid se facturum promisit in alterius utilitatem, romano iure tantum obligatio personalis inde nascitur.
- 6.) Quia vero hominum vel praediorum interesse debet, sequitur, ut, si nec hominum, nec praediorum seruitutes sunt, & nihil eorum interfit, seruitus non recte constituitur: nihil itaque agitur, si conuentum sit, ne per fundum tuum eas, ne ibi consistas, ne fundo tuo utaris, fruaris. *L. 15. pr. D. de seruit.*

Melet. II.

Seruitus est vel realis, vel personalis, in illa praedium seruit praedio, in hac praedium seruit personae.

- 1.) Quia igitur per seruitutem personalem hic non intelligitur seruitus, qua persona personae seruit, sequitur, inter has seruitutes referendam non esse eam, quae §. 2. *Inst. de iur. person.* dicitur constitutio iuris gentium, qua quis dominio alieno contra naturam subicitur.

2.) Prae-



2.) Praedium quod ex seruitute utilitatem capit, vocatur praedium dominans, quod vero in alterius utilitatem onus fert, dicitur seruens.

3.) Praedium est vel rusticum vel urbanum, illud vsui rustico, hoc vero vsui destinatum est urbano, ille agriculturam respicit & pecora alenda, hic vero in habitatione praecipue consistit. Errant igitur toto coelo, qui praediorum rusticorum & urbanorum differentiam in *L. 3. D. de seruitut.* se inuenisse, seruitutesque praediorum urbanorum in *aedificio*, rusticorum autem in *solo* consistere putant, cum tamen nullum in hac lege praesidium inuenire possint dissentientes, quoniam & rusticae seruitutes in superficie, & urbanae in solo consistere possunt. Nostra autem sententia firmatur per *L. 198. D. de V. S.*, ubi horti quoque, si qui sunt in aedificiis constituti ad urbana referuntur praedia, *si non plurimum horti in reditu sit.* Ratio igitur decidendi in eo consistit, utrum voluptati, habitationi an vsui rustico inferuiat praedium.

Melet. III.

Seruitus est vel affirmatiua vel negatiua.

Distinctio harum seruitutum in eo est quaerenda, *a.)* quod affirmatiua in patiando, negatiua autem in non faciendo consistat; *b.)* in hac vsucapione libertatis opus sit, non autem semper in illa, *c.)* illa ad iuris in re acquisitionem requirat quasi traditionem, per patientiam & usum, haec vero illam non admittat. Sequitur ergo, ut, quia factum omisissum a titulo non seiungi potest, per modum exceptionis a regula, adquiram ius in re in seruitutibus negatiuis, nullo etiam facto interueniente, quo seruitutes affirmatiuae quasi tradi dicuntur.

B

Melet.

Melet. IV.


Fundamentum diuisionis seruitutum praedialium in *continuas* & *discontinuas* male collocatur a veteribus Glossatoribus in discrimine *causae* harum seruitutum, haec enim veteri iure civili sic determinata fuit, vt nulla seruitus praedialis ipso iure valida esset, nisi *causam* haberet *continuum*, siue *perpetuam*.

- 1) Tolerari potest haec diuisio, quam veteres glossatores excogitarunt, si non, quod a plerisque turpiter factum esse constat, cum perpetuitate causae confundatur, sed ad seruitutum exercitium referatur, vt seruitus *continua* dicatur, quae ad sui exercitium factum hominis non requirit, discontinua vero, quae sine eo & opera possessoris praedii dominantis manuarum exerceri nequit, haec enim perpetuitati causae non refragatur, modo non requiratur manuarum opera possessoris praedii seruiantis.
- 2) Causa seruitutis dicitur qualitas & conditio, quae efficit, vt praedii dominantis possessor commodum istud siue utilitatem, cuius gratia seruitus constituta est, percipere queat; haec iure quidem naturali & patrio nec in se, nec ratione modi eam percipiendi, iure vero civili veteri romano sic determinata fuit, vt in hoc principio omnes JCI inter se conspirent, quod forma & quasi substantia omnium seruitutum praedialium, ipso iure validarum, in eo consistere debeat, vt eam utilitatem atque commodum, cuius gratia seruitus constituta est, ex praedio seruiante possessor praedii dominantis in perpetuum percipere possit. vid. L. 28. L. 29. D. de S. P. V. L. 20. §. 1. L. 23. §. 1. D. de S. P. R. L. 1. §. 4. D. de fonte.
- 3) Nulla seruitus iure veteri civili valide constituitur & adquiri potuit, nisi modo acquirendi legitimo: duo autem erant

erant modi servitutes inter viuos acquirendi legitimi, *cessio* in iure & *mancipatio*, hac iura praediorum rusticorum, seu res *mancipi*, *ULPIAN. Fragm. Tit. XIX. §. 1.* illa vero iura praediorum urbanorum acquirebantur, illa legis actio, haec actus legitimus fuit, neque igitur diem, neque conditionem admittit. *L. 77. D. de R. I.* Quod autem & temporis & conditionis adiectionem respuit, illud tempore interiecto non expirat, sed effectum perpetuum habet, qui causam perpetuam supponit.

- 4) Enimuero, servitutes quoque personales in iure cedi potuerunt, velut usufructus *ULPIAN. c. I. §. XI.* atque hoc ius in iure cessum dominium usufructus dicebatur, quod ipso iure quoque sic valebat, ut tuitione praetoris opus non haberet, quam requirebat usufructus sola traditione ex iusta causa constitutus: sed tamen adfectio perpetui iuris & causae ad servitutes personales non pertinet. Quod enim vel salua rerum substantia habitandum, vel utendum fruendum, vel saltem cautio, quae quasi substantiae locum subiret, praestanda est, id non ipsius servitutis, sed proprietatis causa exigitur, in servitutibus vero praedialibus causae perpetuitas necessaria est, non servientis, sed dominantis praedii causa, cuius intuitu apta esse debet res serviens ad utilitatem praestandam.

- 5) Perpetuum *ICUS* non quidem sempiternum, diuturnum tamen atque diu duraturum significat, ergo causa servitutini perpetua, causam tamdiu duraturam, donec praedia durabunt, denotat, ut scilicet praedii dominantis possessor toties servitute uti possit, quoties id ipsi commodum visum fuerit. Quod ut fieri queat, sufficere debet causa, sed sufficere illud tantum potest, quod est ab ipsa natura, nec operam possessoris praedii servientis requirit, ergo causa servitutis *naturalis*, seu natura servitutis sic comparata esse debet, ut possessor praedii dominantis eam pro lubitu exercere possit, licet, vel ante manu quid factum sit, v. c. in servitute oneris ferendi



& tigni immittendi, paries, qui sustinet onera aedium vicinarum, vel cui tignum immissum est, vel servitus ipsa v. c. aquae haustus, cretae vel arenae fodiendae, sine opera dominantis praedii possessoris manuaris, exerceri nequeat.

Melet. V.

Dominus praedii servientis ad refectiorem rei, quae servitutem patitur, non tenetur.

- 1) Fundamentum huius propositionis in promptu est, siue enim causae perpetuitatem, quae dominantis praedii causa requiritur, siue naturam servitutum omnium contineamur, nulla servitus in faciendo consistit L. 15. §. 1. D. de servitut.
- 2) Ob hanc rationem **AQVILVS GALLVS**, solertissimus ille formularum interpres & **ICtus** limati iudicii, negavit, eiusmodi pactum: *ut dominus praedii servientis columnam, oneris ferendi causa erectam, resciret, iniri posse.*

SERVIVS **ICtus** in aliam pedibus iuit sententiam, quam evaluisse quidem ait **VLPIANVS** in L. 6. §. 2. D. si servit. vindic., ut quis possit defendere: *ius sibi esse, cogere adversarium rescire parietem ad onera sua sustinenda*; sed **LABEO**, probe edoctus, servitutem in facto consistere non posse, ita mitigavit sententiam **SERVII**, ut, eiusmodi pacto constituto, hanc servitutem non homo, sed res debeat, & liceat domino columnam vel parietem relinquere. Satis aperte haec indicant, in cit. L. 6. nullum certum reperiri fundamentum statuendi, servitutem oneris ferendi esse servitutem adeo anormalam, ut nullo etiam huiusmodi pacto intercedente, serviens ad refectiorem teneatur.

2) Ne-

- 3) Neque obstat *L. 33. D. de servitut. praed. urban.*, quippe quae magis nostrae sententiae patrocinatur, quia ICtus PAVLVS aperte rationem decidendi collocat in *lege aedium* i. e. in pacto speciali, quod dominus praedii dominantis & dominus praedii serviientis, intuitu refectionis, sequentem in modum inierunt: *Paries oneri ferundo vsi nunc est, ita fit.* Omnia igitur pactum speciale, non anomalam sapiunt.

Melet. VI.

Per tignum non solum intelligitur trabs, sed quaelibet materies, ex qua aedificium & vinea constat.

ICti verborum sunt curiosissimi, & saepius significatio grammatica & iuridica toto coelo differunt. Sic excusatio in tutelae argumento, nec non praescriptio, res, pecunia &c. in sensu iuridico aliam significationem apud ICtos, quam auctores classicos produciunt; mirum ergo non est, quod & ICti sub verbo tigni, lapidem, tegulam, testam, arenam, calcem, perticas & pedamenta intelligant. *L. 1. §. 1. D. de tigno iuncto.*

Melet. VII.

Servitus stillicidii & fluminis differunt vt maius & minus.

Melet. VIII.

Ius altius tollendi interdum servitutis iure fit, sed qualis illa servitus sit, non omnes interpretes recte percipiunt. Nobis videtur esse servitus praedialis, qua quis tollere potest aedes suas, vicino inuiro, etiam supra altitudinem, lege ciuitatis praescriptam.



1.) Enimvero **VLPRIANVS L. 9. D. de S. P. V.** cum eo, qui altius tollendo obscurat vicini aedes; quibus non seruit, actio- nem nullam competere ait, atque in eadem sententia Imp- p. quoque **DIOCLETIANVS & MAXIMINIANVS** perseuera- runt, igitur Aniceto cuidam in **L. 8. C. de seruit. & a- qua** rescripserunt: altius aedificia tollere, si domus serui- tute non debeat, dominum minime prohibere posse, opti- ma ratione, quia enim eius est coelum, cuius est solum, non potest non licentia aedes extollendi iure naturali ad coelum vsque permissa esse cuiilibet, qui in suo solo aedifi- cat. Sed tamen non solum imperator **IUSTINIANVS §. 2. inst. de act.** formulam de iure praediorum agen- di refert, qua agere licet, ius sibi esse altius aedes suas tollendi, verum etiam seruitutis altius tollendi praeter **PAVLVM L. 1. D. de S. P. V.** & **GAIVM L. 2. eodem NERATIVS** quoque in **L. 2. D. de S. P. R.** expres- sam mentionem facit.

2.) Quoniam autem neque **IUSTINIANVS**, neque **PAV- LVS**, neque **GAIVS**, neque etiam **NERATIVS ll. cc.** seruitutem altius tollendi definiunt, sed **NERATIVS** tan- tum exemplum eius refert in eo, cui altius tollendo of- ficere licet vicini praetorio, adeo ambigua & obscura huius seruitutis natura est, vt, si ad exemplum eius ea- tur, non pauci quidem interpretes plurima profuderint, sed quae parum probabilia visa sunt **CORASIO** ad **L. 1. D. de seruit. n. 6.**

3.) **CAEPOLLA Cap. XXVI. n. 2. de seruitut.** cum **DYNO, IASONE**, aliisque male saepe sanis glossatoribus, per aedes suas in cit. **§. 2. inst. de act.** legere & intelligere aedes vicini; sicque casum huius **§. phi** ad eos restrin- gere volunt, quorum interest, vt vicinus aedes suas al- tius tollat, siue illorum interfit, propter ventum, scil- ne domus eorum sentiat ventum, quia aliquando sunt male sani, siue propter aspectum, siue propter hunc quod



quod vel ex reverberatione magis utile vel magis nocet, dum eorum tabernae vel ideo lucem fugere possunt, ne pannorum aut mercium vitia facile deprehendantur.

4.) Horum glossatorum vestigia legisse videtur FAGENSTECHE RV S, qui in *facilim. manp. iii. p. 70.* non nisi in eo disortium facit, quod potest, non ipsam viciniam ad aedes suas altius tollendas teneri; sed eum, cuius interest, id suis sumptibus facere oportere.

5.) Neque tamen FAGENSTECHE RV S, neque illi rem acu tetigisse videntur, qui remissionem servitutis altius non tollendi, servitutem altius tollendi efficere opinantur, quoniam si is, cui servitus altius non tollendi remittitur, altius aedificet, id non tantum servitutis iure, quam ex restituta naturali libertate facit, perinde ut heres, qui alioquin aedes alteri legatas ita, ut penitus omne lumen recludatur, obscurare nequit, *L. 10. D. de S. P. V.* si legatarius harum aedium, ut pro lubitu altius aedificare possit, ipsi permittat. Quod si vero pacto ita conventum fuerit, ne mihi altius tollenti per factum vicini officiat, magis non tollendi, quam tollendi servitus dicenda erit.

6.) Aliorum sententia dinumerandis & excutiendis non immeritumur, quoniam nobis persuasum est, vix aliud servitutis altius tollendi exemplum dari, quam ex pacto, quo contra legem civitatis, licentiam extollendi natura & lege concessam in gratiam privatorum, exhibentem, altius tollere aedes suas vicino permittitur.

7.) Tale ius Romae legibus & edictis principum, quae ad modum aedificiorum facta sunt, introductum fuisse, quo fastigio aedificiorum siue ob metum ruinae, siue ne terrae tremore vix universa deleteretur, siue ob aliam causam, modus quidam impositus fuit, testatur V I R I A N V S *L. 1. §. 17. D. de nou. op. nunc.* atque apud eundem

non



non solum in *L. ii. D. de S. P. V.* sed alibi quoque in constitutionibus Imperatoriis. *L. i. C. de servit. & aqua L. i. & L. 12. §. i. C. de aedif. priv.* plus simplici vice modi huius & status antiquorum aedificiorum sit mentio, ut de iure ipso introducto dubitare non liceat.

- 8.) Quamvis autem contra huiusmodi aedificiorum leges publicas, si perfectae fuissent, pacta priuatorum nihil efficere quiverint, illas tamen apud romanos imperfectas fuisse & vicinorum favore latas, atque adeo, si modo aedificaturus solida iacere fundamenta paratus esset, contra eas pacisci & servitutem altius tollendi vicino constitutere licuisse, non obscure colligitur ex cit. *L. ii. D. de S. P. V. & L. 12. §. i. C. de aedif. privas.*

Melet. IX.

Servitus altius non tollendi est, si quis cum vicino pactus fuerit, ne tam alte, ut in legibus permissum erat, aedificaret.

Sequitur haec conclusio ex iis, quae antecedente meletemate diximus, neque amplius indiget probatione; quamvis hodiernum quoque altitudo aedium pacto definiri, & hoc sensu dici potest altius non tollendi servitus. Imo per me licet etiam Ill. EVERARDVM OTTONEM in hoc argumento sequi, in *Diff. VIII. de vsucap. servitus. c. i. §. 12. pag. 409.* dicentem: *contra altius non tollendi servitus est, quia vicinus non potest in suo altius aedificare, quam nunc aedificatum habet, licet infra modum, lego concessum, subsistat.*

Melet. X.

Quemadmodum servitutum impropria quaedam & analogica est possessio, sic earundem quoque impropria est vsucapio & praescriptio qua certe

ti temporis a lege constituti lapsu non solum adquiruntur, verum etiam, pristina libertate restituta, extinguuntur.

1.) Equidem, quod iure civili decemviri de usucapione fundi constitutum erat, id ad servitutes vel ideo trahi non potuit, quoniam usucapio sine possessione contingere nequit, *L. 25. D. de usurp. & usuc.* ea autem est servitutum, tanquam rerum incorporalium, natura, ut, etiam si corporibus accedunt, incorporales tamen maneant, *L. 14. pr. D. de servitut.* atque adeo possideri non possint. *L. 32. §. 1. D. de S. P. V.* Postea vero, cum eo iure, quod sine scripto sub nomine iuris civilis proprii venit, *L. 2. §. 5. & 12. D. de or. iur.* servitutum quasi possessionem habere intelligeretur, qui fundum possidet, *c. l. 32. §. 1. D. de S. P. V. L. 10. D. si servit. vind. L. 1. §. fin. D. de aq. & aq. plu. arc.* extensio legis, quae de fundo loquebatur, ad fundi qualitates instar ratione prudentibus facta est, ut non solum libertas fundi, quod iam MINVCII aetate innuissse patet ex *L. 7. D. de S. P. V.* usucaperetur, sed ipsae quoque servitutes, tam urbanae, quam rusticae biennio usurpatae acquirerentur. vid. PAVLVS *L. 1. sent. tit. XVII. §. 2.*

2.) Eam deinde usucapionem, quae servitutem constituebat, lege scribonia sublatam fuisse, non etiam eam, quae libertatem praestat, sublata servitute, PAVLVS idus ineminit in *L. 4. §. 29. D. de usurp. & usucap.* siue autem breuitas temporis, & quod iniquum visum fuerit biennii spatium fundos aedesue, dominis ignorantibus, servituti aliorum subici, legi scriboniae occasionem dedit, siue incertum legis huius auctorem natura rerum incorporalium movit, siue etiam altera ratio a PAVLO in *L. 14. D. de servitut.* adducta, quod tales sint servitutes, ut non habeant certam continuamque possessionem, cum nemo tam perpetuo, tam consensu iter possit, ut nullo mo-



mento possessio eius interpellari videatur, siue quaelibet alia causa fuit, quae eum mouere potuit, vt, seruitutum vsucapione sublata, strictum ius LL. XII. Tabb. renocaret; illud tamen non sine veritatis specie ex verbis *ULPIANI*, quae habentur in *L. 10. §. 1. D. de vsurp. & vsuc.* colligi videtur, ex consuetudine aeni sui iam id inualuisse, vt, licet non per se solae, cum aedificiis tamen, ceu qualitates his inhaerentes, vsucapi potuerint.

- 3.) Illud vero omnino certum est, & ex legibus a *TRIBONIANO* in pandectas relatis, satis luculenter adparet, praetorem tandem in locum vsucapionis seruitutum, praescriptionem diuturni temporis surrogasse. *L. 10. D. si seruit. vindic.* Quamuis enim *Icti* non praescriptionis vocabulo, sed patientiae, vel alio nomine eam designauerint, *L. 1. §. ult. D. de S. P. R.* verissimum tamen est, patientiam illam nihil aliud esse, quam praescriptionem praetoriam, quippe qui officio suo tuitus est eum, qui seruitute, tanquam seruitute, vltro, non vi, non clam, nec precario, per tempus diuturnum in fundo alieno vsus esset. *L. 1. §. fin. D. de aq. & aq. plu. arc. L. 1. §. fin. D. de S. P. R. L. 5. §. pen. D. de itin. act. priuat.* vsus namque in seruitutibus pro possessione, seu quasi possessio esse videbatur. *L. ult. D. de seruit. L. 10. D. si seruit. vindic.* Quamobrem licet ius non probaretur, tamen, quia vetustas semper pro lege habebatur, is, qui diu vsus est seruitute, eam habuisse longa consuetudine vel iure impositam, praetor exislimabat. *L. 1. §. ult. L. fin. D. de aq. & aq. plu. arc.*

- 4.) Enimvero, quia temporis diuturni determinatio non aeque, ac in longi temporis praescriptione ordinaria, constitutionibus imperatoris ad decennium vel vicennium restricta, *L. 76 §. 1. D. de contr. empt.* sed arbitrio praetoris relicta fuit, anomala quodammodo & extraordinaria erat haec praescriptio, & plerumque praetor longam consue-



suetudinem, cuius initii memoria non extabat, requisivisse recte colligitur ex *L. 2. §. 7. D. de aqua & aq. plu. arc. L. 3. §. 4. D. de aq. quodid.*

5.) Denique huic praescriptioni IUSTINIANVS ordinariam longi temporis 10. vel 20. annor. in *L. ult. in fin. C. de praeser. long. temp.* superaddidit quidem, sed, quia praescriptionem praetoris, extraordinariam non fustulit, consequens est, ut nouo iustiniano iure triplex genus praescriptionis servitutum adquisitivae obtinuerit, praetoria nimirum extraordinaria, qua utitur is, qui nec vi, nec clam, nec precario in quasi possessione servitutis constitutus est, deinde ordinaria longi temporis praescriptio, quae cum b. f. & iusto titulo coniuncta est, nec non illa, quae longissimi XXX. annorum temporis esse dicitur.

6.) Haec sunt illa temporum intervalla, quibus diversa iura circa usucapionem servitutum introducta sunt, quae vir doctissimus & ut in uniuersum de iurisprudencia, ita sigillatim in hac materia meritisissimus, Dn. EVERARDVS OTTO de *usucap. servitut.* cap. II. summo studio euoluit, copioseque non minus, quam erudite explicuit, sed post restaurationem iuris civilis romano-iustiniani, eiusque in foro receptionem, diversa haec praescriptionum genera turpiter a veteribus glossatoribus confusa, erroneae opinioni, quod *continuae* quidem servitutes *longo* 10. vel 20. annor. tempore, sed *discontinuae* non nisi possessione *immemoriali* praescribantur, occasionem dedit, tamen si, cum omnes hae servitutes, quas discontinuas vocant, in perpetuitate causae & possessionis, continuis omnino non dissimiles sint, nihil momenti ad discrimen iuris praescribendi facere potest, quod exercitium possessionis in aliquibus non sit continuum, quia liberum nihilominus servitutem adquirentis manet arbitrium, an & quando ac quotiescunque iure suo uti velit.

7.) Verum enim vero communis hic error plerisque adeo non displicuit, ut calculo suo adiecto eum firmare non sint veriti, inde enata est communis Dd. sententia, de qua testimonia sunt, cum apud supra laudatum virum illustrem *Cap. II. §. XII. cit. dissert. de usucap. servitut.* tum apud Hertium *de servitut. facto constitut. sect. II. §. 4.* aliasque. Quod autem de usu forensi in camerae imperialis, aliisque iudiciis idem ille vir doctissimus subiicit, non omni caret dubio, praeterquam enim, quod apud GAILIVM *L. 2. O. 66.* nullum praecudicium, vnicum vero tantum apud MYNSINGERVM *c. 4. O. 53.* occurrit, neque tamen apud hunc, neque etiam apud KLOCKIVM *dot. cam. relat. 131. n. 24.* de praxi cameralis iudicii immobili, firmum extat testimonium, illa, saltem in Saxonia, fori usu minime adprobata est. Nam apud Saxones, quos longi temporis 10. vel 20. annorum praescriptionem non habere constat, adhuc hodie omnes servitutes praediales, sine discrimine, siue continuas, siue discontinuas sint, praescriptione illa saxonica XXX. annorum, vnius anni & diei acquiruntur. CARPZOV. *p. 2. c. 6. d. 3. §. L. 1. Resp. 36. n. 3.* RICHTER. *p. 1. d. XXI. n. 95. Wesenb. tit. de servitut. n. 5.*

8.) Quamobrem in iudiciis & sigillatim quidem Brunsvico-Electoratibus, in quibus error communis ius facere non debet, omnino consultius esse putamus, eam in foro non sequi, licet SCHILTERO *Ex ad w. XVIII. §. 7.* aliter visum fuit. Quod autem MEVIVS *p. 9. d. 164.* de praescriptione servitutum immemoriali sine titulo tradit, illud ex natura & indole praescriptionis extraordinariae, in qua praetor quoque vetustatem, cuius in contrarium nulla extabat memoria, plerumque requisivit facilius admitti potest, reiecto tamen discrimine inter continuas & discontinuas,

9.) Dum

9.) Dum libertatem vsucapturus, non modo fundum vel aedes, seu libertatis obiectum, sed & id, quod contra servitutem positum vel aedificatum est, possidet L. 32. §. 1. D. de S. P. V. facilius haec libertatis vsucapio, per quam nihil novi fit, sed ad pristinum statum, quem publice interest conservari, reducitur res, admitti potuit, quam ea, quas servitutem constituit, vnde intelligitur ratio, ob quam lex scribonia non etiam hanc vsucapionem, quae libertatem praestit, sustulerit. L. 4. §. 29. D. de usurp. & usuc. Recte eam definit illustr. OTTO cit. dissertat. cap. 1. §. III. quod nihil aliud sit, quam exercitium facti alicuius continuum & servituti contrarium, quo quis possessione praedii, quod servitutem debebat, & usu haud limitato, libertatem fundi sui recipit, quod fit, quando is, cui servitus debetur, per constitutum tempus servitute non vititur, is vero, qui servitutem debet, in suo aliquid positum habet, quo servitus constituta impediatur. Tamen si enim subtili iure, quo ut GAIUS L. 43. §. 1. D. de A. R. D. docet, manifestum est, in corporales res traditionem & vsucapionem non recipere, vera & ordinaria libertatis, tanquam rei incorporalis, vsucapio eo minus esse potest, quo magis constat, per eam possessori praedii servientis dominium, quod iam habet, adduci non posse, quia tamen praedium serviens, seu rem corporalem pro obiecto habet, romani non omnino libertatis naturam obflare crediderunt, quo minus, utilitatis publicae litiumque minuendarum causa, vsucapi posset, eoque iure iam GAII aetate, qui aeuo Hadriano vixit, romanos vsos esse, tantum abest vt ambigere liceat, vt potius longe ante hoc aeuum vsucapionem libertatis receptam fuisse luculenter constet ex L. 7. D. de S. P. V.

10.) Tum vero libertatem praedii sui servientis dominus vsucapere potuit, si nemo, neque is, cui servitus debetur, neque alius eius nominis, servitute sit usus, L. 5. L. 20. D. Quomad-

Quemadm. servit. amitt. per statutum a legibus tempus
L. 6. §. 1. L. 7. L. 10. §. 1. L. 16. L. 18. §. 2. L. 19. §. 2. D. cod.
L. 4. §. 19. D. de usurp. & usufrucap. L. 32. §. 1. D. de S. P. V.
 quod, ut *PAVLVS L. 1. sent. Tit. 17.* docuit, biennium fuit,
 idque LL. XII. Tab. ad usufruptionem rerum corporalium
 immobilium constitutum, postea vero ad servitutes exten-
 sum, tam inter absentes, quam inter praesentes, fuitque
 istud biennium continuum, nam si usufruapiens intra
 tempus rem possidere defierit, interpellatus videbatur usu-
 capio, quasi una cum aedibus & libertatem earum possi-
 dere defierit *L. 32. §. 1. D. de S. P. V.* neque duplicabatur
 biennium istud etiam si usufrutis ex conventionione
 interruptus fuit, ut alternis tantum diebus, vel horis al-
 ternis, vel tantum de die aut nocte uti liceret, quia ni-
 hilominus quotidianum & continuum tempus dicitur
L. 7. D. quemadm. servit. am. quia enim unius diei finis
 in initium sequentis incurrit, & quotidie illud quoque
 fieri videbatur, quod sit alternis diebus, non poterant
 haec horarum & dierum intervalla id efficere, ut tempus
 duplicaretur, sed dispar & alia fuit ratio intervallorum
 mensium & annorum, si enim alternis tantum annis, al-
 ternisve mensibus, vel sola aestate, hyemeve sola, servi-
 tutis exercitium permittitur sit, duplicato constituto
 tempore eam amitti placuit, cit. *L. 7. quemadm. serv.*
amitt.

- 11.) Legitimum hoc tempus, quo servitutes pereunt, IUSTI-
 NIANVS ad decennium inter praesentes & vicennium inter
 absentes extendit, *L. pen. C. de servit. & ag.* utque de-
 cennium inter praesentes constitutum duplicetur, siqui-
 dem servitutis exercitium per mensium vel annorum in-
 tervalla restrictum sit, *L. ult. C. cod.* constituit; sed ut vi-
 cennii quoque inter absentes duplicatio fiat, nec verba
 nec ratio legis permittunt, quoniam ipse legislator, eum,
 qui in tam longo prolixoque spatio, suum ius minime
 conse-




consecutus est, fora poenitentia, ad pristinam seruitutem reuerti, desiderare dicit, ergo cessat hic duplicatio vicensui si seruitus alterna fuerit, cit. *L. ult.*

12.) Porro ad vsucapiendam libertatem necessarium fuit, vt vsucaptus aliquid in sub factum, possum vel aedificatum per tempus statutum habuerit, quo animum de prohibenda seruitute declarauerit, idque bona fide fecerit, sic enim res tanquam liberam possedisse videtur, quod si vero nihil horum interuenerit, libertatem aedium suarum vsu cepisse dici non potest, qui ius suum nullo contrario facto interpellauit, *L. 18. §. ult. D. Quemadmodum seruit. am. L. 6. D. de S. P. V.* sicut autem factum non quodlibet sufficit, sed tale requiritur, quod omnem huius seruitutis vsum tollat, nam vno duntaxat ex pluribus foraminibus clauso, tota seruitus, quia indiuidua est, retinebitur, sic non mobile, sed immotum esse debet, quod ponitur, vt paries, aedificium vel aliud eiusmodi opus. Quamobrem, si quis arborem in suo plantatam habuit ex aduerso luminum a vicino praecloso, secundum *Q. M V C I I* sententiam, non ideo libertas aduersus seruitutem vsucapta erit, quia vt *POMPONIUS* ait, non ita in suo statu & loco manet arbor, quemadmodum paries, propter naturalem motum arboris. *L. 7. D. de S. P. V.*

13.) Quoniam autem praeter vsucapionem alius adhuc est modus recuperandi libertatem per non vsu, vid. *PAVLVS L. 1. sent. tit. 17.* quando scilicet is, cui seruitus debetur, quique occasione vtendi non destitutus fuit, ea per tempus lege definitum non vitur, neque in hac praescriptione seruitutis bona fides, vt in vsucapione libertatis requiritur, *L. 4. §. 27. D. de vsurp. & vsucap.* quaestio est valde controuersae, an iure nouo adhuc vsucapio libertatis, & in quibus seruitutibus necessaria sit?

14.) Quandoquidem vero *IVSTINIANO* in *L. pen. D. de seruit. & ag.* ius vetus tantum per substitutionem decenni



in locum biennii & quod ad discrimen, quod inter absentes ac praesentes fuit, emendare placuit; verior omnino videtur sententia, non voluisse simul eum, non vtendo promiscue quaslibet seruitutes amitti, sed quemadmodum GAIUS in L. 6. D. de S. P. V. omnes seruitutes, tam vrbanas, quam rusticas; certo tempore non vtendo perire, non nisi cum hac restrictione dixit, vt nimirum, quod ad modum attinet, in quibusdam, cum omissione dominantis, coniuncta esse debeat vltimatio seruientis, sic eadem restrictio ad constitutionem IVATINIANI recte applicatur; debet enim vtique firmum ac stabile manere ius vetus, in quo mutatum esse probari nequit.

15.) Quando autem porro quaeritur, in quibus seruitutum generibus nouo iure vltimatio libertatis requiratur, tam variae & inter se dissidentes Doctorum sunt sententiae, vt eas ad concordiam redigere non liceat, plures dinumerauit Dn. OTTON. cit. *dissertat. de vltimatio. seruit. cap. 1. §. XI. sqq.* qui tandem, postquam dissentientium argumentis satisfecit, §. XIII. recte concludit, affirmatiuas quidem seruitutes; si in mero facto hominis consistant, vt ex rusticis seruitutibus iter, actus, via, solo non vltimatio perire, si vero praeter factum, structuram, aliquam praesupponant, vt oneris ferendi, tigni immittendi similis seruitus, siue vrbanae, siue rusticae sint, non nisi structurae remotione amitti, atque adeo, perinde vt in seruitutibus negatiuis, libertatis vltimatio opus esse, in qua, non canonico tantum, sed ciuili quoque iure bona fides requiritur.

